

CENA listu: U preplati za čitavu god. K 48—, za polugodište K 24—, izmesečno K 12—, me- sečno K 4—, u maloprodaji 16 fl. pojedini broj. OGGLASI primaju se u upravi lista trg Custoza 1 Tiskar Jos. Krmpotića.

HRVATSKI LIST

Izlaže svaki dan u 5 sati ujutro.

Godina IV.

Vlasnik i izdavač dr. Lovre SCALIER, odvetnik, Pula, ulica Carara S. (Narodni Dom). Uredništvo Šišanska ul. 24. Odgovorni urednik Ivan MARKON, Pula. - Rukopisi se ne vraćaju. Cek. rač. aus. pošt. št. 26.795.

Broj 1174.

U Puli, sreda 16. oktobra 1916.

Izgledi za mir:

Na čitavom se svetu govoru danas najviše o miru i o mogućnostima mira. Na čitavom svetu, osim u našoj državi, koja je zaokupljena nutarnjim brigama, podelile se stranke u dve skupine: u milorubive stranke i u stranke, koje žele nastavak rata. Ove nisu samo jake u Francuskoj i Engleskoj, što se psihološki može shvatiti kao odraz vojničkih uspeha, već su još uvek pogibeljne i u samoj Nemačkoj. Svenemačka ratna stranka nije još izgubila nadu, da će pomoći oružja izvojevati pobedu. Ova stranka, koju je otvoreno pogodovalo i još pogoduje vrhovne vojne vodstvo, raspolažala je svim sredstvima, da širi na fronti i u zaledju svoje ratoborne, imperijalističke ideje. Tisućama delila je proglašene medju vojnicima na fronti, a čovek, koji još danas putuje po nemačkim gradovima, čudiće se, odakle toj stranci toliko papira za letke i oglase u doba, kad se tiskarski zanat bori s tolikom nestaćicom tog materijala, kad se svim uređima nalaze štedljivost s tim skupocenim i važnim sredstvom.

Svenemačka stranka računa otvoreno sa nastavkom rata. Da je postala pogibeljna samom miru proizlazl iz zabrane, koja je zadesila glavni organ svenemačkih ratnih huščaka, "Deutsche Zeitung". Konservativci i pruski junkeri, koji mogu računati sa saveznim samim Hohenzollernovaca, odravljaju držanje vlade te joj ne čine nikakvih neprilika. Ovo je njihovo držanje dobro proračunano.

Usled ratnih neprilika, sveopće neštašice, dugog trajanja rata izgubila je nemačka ratna stranka popularnost, koju je uživala u pučkim masama. Za nastavak je rata potrebno, da si Tirpitzevi prijatelji steknu opet velike slobjeve naroda a to se nadaju pridobiti tim razboritim manevrom. Sporazum, koji je baš polučio svoje najveće uspehe, neće bez inoga pristati na primirje, veće svenemenci. Mi dopuštamo i prihvataćemo sve Wilsonove točke i idemo do skrajnosti u popuštanju. Ne prihvati li Wilson naše mirovne ponude, izazvateće taj otklon u najširim krugovima naroda ogorčenje; time će opet planuti oduševljenje za rat, porasde mržnja i opet će stajati fronta, gvozdena i neoboriva nemačka fronta, koja će silom otpora uveriti neprijatelja o nemogućnosti konačne pobede. To je svenemački načrt, a da nije baš tako nevin i da imade mnogo izgleda, za to svedoče brojni članici, koji je prločuju liberalne i socijalističke novine u Nemačkoj.

I u samoj je Nemačkoj mir na labavim nogama a malo bi neuspeh mogao izazvati sveopći preokret.

U antantinim je zemljama raspoloženje u glavnom protivno mirovnim pregovaranjima. Jednu iznimku tvori Italija, za koju smo već jedamput kazali, da je Akilova peta velikoga saveza. Iz različitih izvora dolaze vesti o velikim demonstracijama talijanskog radništva za mir. Uopće je oduševljenje za rat vladalo u Italiji u glavnom samo u krugovima razumnosti, gradjanstva, a došlo je do rata samo zbog odvisnosti talijanske politike o talijanskoj buržoaziji. Velike su narodne mase nacionalno nesvesne usled niskog stepena pučke civilizacije, koja vlada u toj državi. Ako nema za to drugog dokaza, imademo ga u malom vodjenju operacija talijanske vojske za taj "oslobodilački" rat. Talijanski je rat nacionalni rat, a činjenica, da je došlo do poraza kod Kobarida, dokazuje, kako ta misao nije dozrela, kako u Italiji nema pravoga narodnoga oduševljenja. Ali toga nema, jer u Italiji nije bilo za to ni prave narodne potrebe. Veliku krvnju na tom nosi i tradicionalna talijanska opertunistička i makijavellistička politika i dugotrajni savez sa središnjim vlastima, uključivo preokret početkom maja 1915, što je u narodu utvrdilo osvedočenje, da je politika posao, a narodnost i ideali samo reklamni cimer, da poslovni uspevaju. Italija je jedina vlast unutar sporazuma, na koju može delovati mirovni korak središnjih vlasti rastvarajuće i demoralizujuće.

Baš protivne prilike vladaju u Francuskoj. To proizlazi iz rezolucija francuskih socijalista. Francuska ne pozna u svojoj mržnji proti Pruskoj ni stranaka ni razlika. Boljševištvo je u toj zemlji u sadašnjem trenutku nemoguće. Krez pedeset godina živila je ta mržnja, dok u tom svetskom ratu nije rasplamsa, u golemi plamen. Francuzi su izgubili milijune mladeži. Bogate su francuske pokrajine razorene i opustošene, čitave bogate i plodne pokrajine pretvorene u pustinju. Pučanstvo u zaposnutim krajevima bilo je izvrgnuto svakojakim mukama i nevoljama. Ali ovo je pučanstvo, kako priznavaju same nemačke novine, unatoč patnjama i progonstvima sačuvalo veru u konačnu pobedu,

koju nije nimale tajilo pred pobednikom. Taj narod sa velikom, svesilnom verom, koju nijesu uskorile tragični momenti na bojnom polju ni najveća pogibelj, ne pozna obzira, ne prašta. On traži odmazdu: Zub za Zub. S njim će Nemačkoj biti veoma teško pregovaratati. Nemačka bi si mogla osigurati simpatiju i sklonost tog naroda samo, kad bi izdržala do skrajnosti i radije propala, nego se predala. Za nemačku mirovnu ponudu imade samo prezir i odvratnost. S tom Francuskom, čiji je veran i tipični raprezentant stari tigar "Clemenceau", imće ne samo Nemačka već i njezini hladnokrvni, anglošaksonski saveznici još mnogo okapanja.

Kod Engleza i Amerikanaca ne odlučuju osećaji, odlučuje razum i kalkulacija. Englez i Amerikan prosudjavat će najstvarnije i najnepričarljive nemačke note, a ako imade izgleda za mir, taj je moguće jedino posredovanjem Amerike i Engleske. Wilson imao u tom pogledu odlučuju reč, pošto je Wilson apsolutni gospodar Europe. On vlađa danas jednak s antantom, kao što i sa srednjim vlastima. O njegovo milosti zavisi, da li će Europa propasti u gladi i krv, ili će opet vaškrnuti preobražena i obnovljena. Svakako će taj gospodin Wilson, taj filozofski teoretičar, diktirati Evropi i njezinim narodima mir. Njegovim će se pravoreku pokoravati i Beč i Berlin i London i Pariz. Njegova će odluka dati Evropi, ili mir ili rat.

Rat.

Polag nemačkog večernjeg Izveštaja poduzeli su Englez i Belgijanci navalu između Dixmuidena i Lysa. Time je započela u Flandriji nova navalna na širokoj fronti. Engleska vest od 14. oktobra javlja, da navalna, koja je uperena proti Courtrai, uspešno napreduje. Nemački večernji Izveštaj saopćuje nasuprot tome, da je Nemcima pošlo za rukom, uhvatiti i zaustaviti u velikom stilu zasnovani napad. S ostalih bojišta nismo do kasnog sata u noći dubili nikakve vesti.

Francuski Izveštaj od 13. oktobra u večer: Cete desete armije unišle su jutros u Laon, gde su oslobodile 6500 gradjana. Napredovali smo preko grada i daleko na čitavoj širokoj fronti između Olse i Allette, te stožimo istočno od La Fere. Naša linija prolazi preko Couvron—Amenancourt—Vivasse—Aulnoix—Sous Laon, te dopire do Guizy i Marchais. Dalje na istok doprili smo do ruba De Champs—Sissonne—La Malmaison i Villers-Levacourt, od kuda se linija vraća na Aire i kanal Aisne. — Izveštaj Istočne armije od 12. oktobra: Srpske su čete 12. oktobra osvojile Niš, koji je grad imao po zapovidi neprijatelja da drži uz svaku cenu. Uz ljudje bojeve, koji su predhodili osvojenje grada, ustaljile se čete uvečer na uzvišinama. Dalje na istok unišla je francuska konjica u Belupalanku na cesti Niš—Pirot. Istočno od Morave doprile su srpske čete do Prokuplija... U visokoj Srbiji zaposele su francuske čete Mitrovicu i Prizren.

Francuski Izveštaj od 14. posle podne. Na celoj su fronti ostali Francuzi u punom dodiru s neprijateljskom pešadijom. Južno od Chateau—Porcie bacili su poslednje elemente neprijateljeve, koji su se još opirali, natrag na severnu obalu kanala.

Engleski Izveštaj od 13. oktobra u večer: Tečajem dana trajahu mesni bojevi medju našim prednjim četama i onima neprijatelja na liniji Selle. Naš mostobranski položaj u okolini Solesmesa bio je proširen. Na zapadnom bregu reke i osobito u predelu Laussya i Soulzoira postigli smo uspehe. Bojevi mesnog karaktera odigrati se takodjer u predelu Lieu-St.-Amand. Doprimali smo neki broj zarobljenika. Rano u jutro uspelo je našim prednjim četama, da prekorače kanal Sensee kod Aubignya i da zarobe 200 momaka. Usled jakih protunavala nisu bile u stanju da održe svoje položaje. Severozapadno od Douala nastavile su naše čete svoje napredovanje. Mi držimo Courcelles, Les-Leñe i Noyelles-Godault te se približujemo liniji kanala Haut-Deule, na čitavoj liniji između Douai i Vendin-le-Sec. U tom području doprimali smo izvestan broj zarobljenika. Unatoč nepogodnom vremenu bacili su 12. t. m. naši letači 3-5 tona bomba s malih visina.

Engleski Izveštaj od 14. Neprijatelj je na širokoj fronti severno od Le Chateau otvorio tešku pucnjavu. Pod zaštitom te artillerijske vatre bili su poduzeti jaki pešadijski napadaji proti našim položajima jugoistočno od reke Selle u susjedstvu Solesmesa. Ti su napadaji nakon žestokog boja bili uspešnom odbijeni. Daljnje napade, pri kojima su bili upotrebljeni tankovi za

potporu napadajućoj pešadiji, poveo je neprijatelj jučer bes uspeha protiv naših položaja. Mi smo nasrnuli jučer i kroz noć na više točaka južno i severno od Douai. Dobili smo na području i priveli zarobljenika.

Američki izveštaj od 12. oktobra: Na obim stranama Moze skršili su Amerikanci jakе opetovane navale neprijatelja, koji je kušao, preoteti im nedavno osvojene pozicije.

Srpski izveštaj od 12. oktobra: Po ljutim smo bojevima zaposeli čitavu Selavicu-planinu te doprli do Gurice. Naše kolone, koje napreduju proti Kuršumliji i Prokuplju, dopremile su zarobljenika od 3 novih nemačkih divizija te su zaplenile 6 topova.

* Zašto Wilson nije Austro-Ugarskoj odgovorio. "Arbeiter Zeitung" piše: Wilson proglašuje, da se sada ne misli odgovoriti na austro-ugarsku notu. Zašto? Wilson je mogao predložiti pitanje, kao i nemačkom državnom kancelaru, da li c. i kr. izvanjski ministar govori za onu silu u državi samo, koja je dosad vodila rat, ili da li govori za narode i puk. Budući da državni kancelar temelji svoju moć na saboru, može mirno odgovoriti Wilsonu, da govori u imenu nemačkog naroda. No, što bi mogao reći grof Burian? To pitanje dovele bi ga u najveću nepriliku. Zato se na odlučujućim mestima u obim polovinama države razmišlja o ustrojenju pučke vlade, koja bi se opirala o poverenje naroda.

* Italija se odriče Trsta i Reke? "Agramer Tagblatt" donosi iz Budimpešte: "Vlag" javlja iz Chiassa, da se čini e se Italija zadnjih dana posveta odrekla zahteva glede Trsta i Reke. Uopće je težnja za mirom u Italiji silno velika.

* Dalekosežne promene. Danas, u sredu, imao bi prema pisaniu bečke "Reichspost" izaci carev manifest, kojom se naveštaju odluke o ustavnoj reformi. Među kandidatima za mesto ministra predsednika spominje se princ Fridrik Lobkovic. "Bohemija" javlja iz Beča da Česi i Jugoslaveni proglašuju otvoreno, da ne će stupiti u takozvano ministarstvo naroda o čijem se sazivu govori na nekojim mestima.

* Nemačko krštenje i obilježavanje. Kako listovi javljaju, nisu general Ludendorff i ostali časnici prisustvovali političkom delu večanja glede nemačkog odgovora na Wilsonovu notu; Ludendorff, kažu, podao je samo svoje mišljenje o ispranjenju Belgije i Francuske.

* Austro-Ugarska i Poljska. Lublin, 14. (D. u.) Službeno se javlja, da je austro-ugarska monarkija pripravna predati poljskoj vlasti upravu zemlje, čim će ova biti voljna, preuzeti ju. Monarkija će učiniti sve, da omogući poljskoj državi uspostavu ali očekuje, da će joj staviti za to na raspolaganje suviške surovina i hrane. Sadašnje će vojničke revizije bili obustavljenje a državno gospodarstvo povereno poljskim organizacijama, koje će se stvoriti.

* Sto bi papa htio. "Neues Wiener Journal" javlja iz Ciriha: Papa je nastupio, da se osnuje nekadašnji jugonemački katolički bund. Posledica toga beše ta, da su ohladneli prijašnji srdačni odnosi između nemačkog izvanjskog ureda i Vatikana.

* Politika nove turske vlade. "Tägliche Rundschau" javlja, da nije iznenadio istup Talaata i Envera iz kabineta i ustrojenje vlade, koja je više ili manje orijentovana pravcem prema sporazumu. Bilo je to obrazloženo nepovoljnim vojničkim položajem Turske, otpadom Bugarske i unutarnjopolitičkim dogadjajima. U najbljiše doba pokazat će se, hoće li nova vlada otpasti od trojnog saveza. Možda će Turska počekati razvoj nemačke mirovne akcije, te će međutim pokušati, da stupi oficijelno u dodir sa sporazumom. — Prema petogradskim listovima oponzivje Turska svoju vojsku iz Baku na granice, odredjene brestlitovskim miron.

* Nad Portugalom bilo je proglašeno opsadno stanje. Predsednik je preuzeo zapovedništvo nad svim kopnenim i pomorskim vojnim silama. U Portugalu vlada potpuni mir. Vojničko odelenje, što je uskratilo poslušnost, bilo je doskora pokoren.

* Iz slovenskog sveta. I kraljevica stupa u Národnó veče. U subotu u 9 i po bila je u Zagrebu u maloj zaboraskoj dvorani konferencija između odaslanika hrvatsko-srpske koalicije (dr. Edo Lukinić, dr. Dušan Popović, Svetozar Pribičević, dr. Ribar i Vojislav Wilder) i odaslanika drugih stranaka i grupa

(izuzevši, dakako, frankovce), pa je sa konferencije izdano ovo saopćenje: "Izaslanici stranaka i grupe koji su držali 5. i 6. o. m. sastanak radi uredjenja Narodnog veća, sastali su se u više mahova sa izaslanicima hrvatsko-srpske koalicije, te je postignut potpuni sporazum o pristupu hrvatsko-srpske koalicije u Narodno veće. Raščišćena su sva principijelna i tehnička pitanja, pa je usled toga sazvana prva sednica središnjega odbora Narodnoga veća".

Sjedinjena, nezavisna poljska država. Pod tim naslovom priopćuje praška "Narodni Politika" uvodni članak, u kojem veli: "Kocka za Poljsku je palal Slobodna Poljska opet se diže! U duhu Wilsonovih načela, kojima se priznaje nezavisna poljska država prema samoodređenju naroda, izdala je dne 7. oktobra varšavsku Rada Regencyjnu deklamaciju, u kojoj proglašuje nezavisnu poljsku državu s pristupom k moru, te pozivlje sav poljski narod, da se laži izgradnjivanja svoje države. Istodobno saopćuje, da će biti sazvan ustavodavni sabor, na najširem demokratskom temelju, te da će se stvoriti koalicijona vlada, u kojoj će biti zastupane sve političke stranke. Zato je takodjer odstupio ministar predsednik Kucharzewski, da bi se mogla učvrstiti nova vlada. Taj je manifest izazvao svuda u Poljsku radost, kao u kraljevstvu poljskom, tako i u Poljsku u Pruskoj, gde je odmah zastupnik Seyda naglasio sjedinjenje svih Poljaka u jednu državu. Kolo poljsko odmah je izasalo u Varšavu svoje pozdrave u imenu austrijskih Poljaka. Poljaci su tako proglašili sami svoju nezavisnost, pozivajući se na pristajanje nemacke i austrougarske vlade Wilsonovim načelima. Tim padaju sve moguće kombinacije i predlozi, kako stvoriti Poljsku, i ko joj ima biti vladarom. Tako se ispunila poljska težnja. Poljska je nakon stolpedeset godišnjeg trpljenja opet uskrsala i obnovila se, za čim su izauzeli razdobe uzalud težili Poljaci, koji su živote i imanja žrtvovali u revolucijama za svoj narodni ideal, za sjedinjenu i nesavladivu Poljsku! Nikakvo nasilje ni potlačivanje nije skršilo Poljake, koji se podižu kao sasvestan i hrabar narod, kao nezavisna država na svetsko popršte u "Savez naroda", da posvete svoje sile i svoj rad se bili! Poljaci će preuzeti za nekoliko dana zemaljsku upravu u Varšavi i započeće sami na svome gospodarstvi. Poljski zastupnici zaključili su na Krakovskoj skupštini, dne 10. oktobra, da se Poljsko Kolo razdje, te da se osnuje Narodno veće, kao najveća narodna inštitucija. Poljski zastupnici neće se više vratiti u bečki parlament...

Prof. Masaryk, "Az Est" od 5. oktobra 1918 piše pod naslovom "Washington privremeni glavni grad českoslovačke države": U broju "Morning-posta" od 25. septembra čitamo: Washington je u ovaj čas sedištem dvaju vlada. Jedna je od njih vlada Sjedinjenih država, druga pak je navedeno stvorena vlada českoslovačkog naroda. Izvršbenim organom českoslovačke vlade jest "Narodni rada", čijom je glavom profesor Masaryk. Čim je predsednik Wilson priznao Čehoslovake za samostalan narod, uredio je službeni i formalni stik s dr. Masařikom, kao pravovrednim upraviteljem vlade českoslovačkog naroda. Jeste to možda prvi slučaj u svetskoj istoriji, da je jedan grad glavnim gradom dvaju nezavisnih naroda, ili da vlada, udaljena od svog naroda mnoga tisuća milja, upravlja državne stvari. Rat je često delovao, da je nekakva vlada bila smeštena u drugoj saveznoj državi, nu narod i vlada ostali su si ipak uvek dosta blizu, dok ih sada u pravom smislu reči deli ocean. Stan upravitelja nove države jest mala skromna palača u Washingtonu, a tamo je takodjer ured dr. Masařika. Način života dr. Masařika jeste veoma jednostavan, poslužničko: osoblje samo najnužnije, ma da je njegovo kućanstvo dosta brojno; no prof. Masařik mora štediti svojim skromnim prihodima i imati obzira na skupoču, koja drevno rasta. Nekoliko članovnika tajničkog ureda su češki rođoljubi, koji su pripravno ponudili svoje službe za stvar. Dr. Masařik upravlja odatle stvari svoje domovine.

Domace vesti.

Usled oluje izostale su brzojavne i telefonske vesti. Čitatelje molimo, da bi to uvažili.

Aprovizacija. Aprovizaciona komisija saopćuje, 15. oktobra: Sjutra ujutro, čim se roba istovari i razdeli pojedinično prodavaonicama, prodavate se ovaj živež: Odsečak III.: 2. kg. brašna K 3-52; (za teške radnike 3 kg. K 5-28); odsečak IV.: 10 dkg. testenine K 5-52; odsečak V.: 10 centilitra ulja K 5—.

Dar. Velečasni gosp. don Matko Škrbić, davorao je za simečane učenike hrv. pučke škole u Mrčani iznos od K 8—, na čemu se uprava škole toplo zahvaljuje.

Obustavljen promet na tramvajskoj pruzi prema kolodvoru. Usled nedašice osoblja obustavljen je tramvajska pruga od Jelisavinih perivoja do kolodvora.

Dnevne vesti.

Stomiljunske bankeve. "Pester Lloyd" donaša u rubriki za narodno gospodarstvo, da je austro-ugarska banka izdala banknote, komad po sto milijuna kruna. Izdano je samo sedam takovih komada, koji su poslati u Nemačku kao pokriće za preuzimanje onog novca, koje je Nemačka izdala u Rumunjskoj. Prema službenim izveštajima cirkulira sada u prometu u Monarkiji preko 24 miliardu papirnoga novca, a gde je još onaj silni državni dug?

Fochova strategija. Foch hoće da izradi menat iznenadjenja, kolikog je to moguće. Time, što je čitava gotovo fronta medju subnih neprijateljskih doticaja, stupila u velike bitke, čini se iznenadjenje na strategičkom području manje mogućim. Naprotiv maršal Foch nastoji, da ih postigne taktilki, pomoću svoga suviška na vojničkom materijalu. On u onim bojnim odsječcima, u kojima kani učiniti jednu stanaku, pušta da stoji topništvo, tankovi i aeroplani i bacu svoju pešadiju, koja je onda postala suvišna, pomoću tisuća automobilja na nova područja, gdje eklatantna infanterijska nadmoćnost može biti pobedničkim faktorom. Nemački su avijatički posmatrači javili često više automobilskih kolona od više no jedne milje duljine, koje su mogle brzinom od više nego 50 kilometara u satu, otpremiti stotinu tisuća vojnika iz jednoga bojnog polja na drugo. Nemačko vojno vodstvo nema suvišaka na automobilima, a još manje na "oklopjenim", koje običajno nazivati tankovima. Ti su tankovi postali nekem osobitom svojinskom oružju antante. Osobito lagani i veoma pomicni francuski model Renault nastupa u tisućama egzemplara i to u jednom takvom opsegu da — kako dokazuju nemačka posmatranja — englesko pešačstvo samo onda rado polazi napred, ako je pre njega pošla gusta linija tankova. Kod naših se protivnika razvila posebna takтика, tako zvana taktična tankova. Ponajpre zasipava topništvo nemačke obrambene linije vatrom granata, i zavija ih u veliku maglu, a na koncu se iz ove magle pojavljaju tankovi, a u svilu strana, šuma i ruševina sela, prodaju iz nemačkih linijsa i onda ih bombardiraju odstraga. Iznenadjenje, kole tad nastupa, iskorističu široki valovi infanterije, da prodrui. Ovoj bojnoj taktici imaju britiske operacije dne 28. rujna u Flandrij u većim delom zahvaliti svoj uspeh.

Nova ves bol Berlin. Kraj Berlina blizu Potsdamu nalazi se malo mesto, koje se još službeno nemački nazivaju Nowawes (Nova Ves - Novavas.) To je jedna uspomena na dobu českobratiskih kolonija. Kako javlja "Berliner Tagblatt", i te će usponiće nestati, jer će se u dojdajući sednici mesnog zastupstva raspravljati o tome da se Nowawes prekrsti u Babelsberg — i Germanija biće spašena!

Prosветa.

Priroda. popularni časopis hrv. prirodoslovnog društva, broj 8. za listopad. Nastavlja se članak Gorjanović-Krambergera o pračoveku iz Krapine, te upoznajemo gradnju njegovog tela, a naročito lubanje, na kojim su najčešće istaknuta razna obilježja. Na pitanje, kako je topo u zemaljskoj nutritriji, odgovara nam u vrlo zanimljivom razlaganju dr. R. Tučan, a osobit će interes pobudit preveden članak F. Regnaulta o kretnju u prirodi i umetnosti, jer je poznata stvar, da postoji neka, različka između momentnih fotografija i umetničkog prikaza gibanja čoveka. Umjetnina, nam dočarava ideju brzine, jer sintetizira više položaja gibanja u jednom telu, dok momentni snimak zadržava samo jedan položaj, koji ne pobudjuje u nama nikakli osećaj. Slika Diskobola, pa déla Rodina, Cercicaulta i druge slike svedoče, da je tako. Najtoplijie preporučamo Prirodu svima, jer će u njoj naci doista mnoge pouke. Preplatnina 8 K, za djake i pučke učitelje 5 K. Članovi prirodoslovnog društva dobivaju za 12 K članarine. Prirodu i druga izdanja.

Ilustrovane Novosti. Izasao je 35. broj "Ilustrovane Novosti", lepoti ilustriranog tehnika. List donosi dve slike grada Zagreba, koje je talijanski zrakoplovac poručnik Locatelli snimio, kad su 26. juna o. g. kružili talijanski zrakoplovi nad gradom. Taj isti Locatelli letio je i nad Bečom i Rekom, gde je bio prisiljen, da se spusti na zemlju, pa tako dospije u zarobljeništvo. Locatelli je onda bio tako ranjen doveden u jednu zagrebačku bolnicu, gde je odležao par dana i onda otpisan u zarobljenički tabor kraj Graca. — Slike su, jako uspele, jasne, velike, pa će sigurno biti senzacija za svakoga. Jedna slika prikazuje Jelačićev trg, a druga Zrinjevac. Na prvoj slici prepričavaju se kako

dobre: Jelačićev spomenik, Narodna i Velika kavana, tramvajsko stajalište i tračnice i drugo, tako se jako dobro raspoznaće natpis tvrtke Berger nad kućom. Druga slika prikazuje položaj na Zrinjevcu, koji je takođe jasno i uspešno snimljen, da se prepoznaće kako dobro čitav taj položaj. Osim tih dviju slika donosi ovaj broj "Ilustrovanih Novosti" i drugih 26 slika iz tedna, kako aktuelnih i zanimljivih. Tako sliku novog bugarskog cara Boris II., carski dvorac u Sofiji, slike Radeva, Lukova i Ljapčeva, koji su sklopili primirje s antantom, pa više slike sa zapadnog, balkanskog i palestinskog bojišta, onda koturašku utakmicu u Zagrebu, momčad nogometnog kluba "Hašk" i "Gradjanškog" (Ostek I.). Tri karikature, moda i više drugih slika. Osim slika ovaj broj je osobito bogat raznovrsnim štivom: priopćenkama, pesmama, člancima o književnosti, umetnosti, kućanstvu, modi, svašticu, šala i satira itd. — 35. broj "Ilustrovanih Novosti" stoji 60 filla — godišnja pretplata iznosi 20 K a naručuje se pri upravi "Ilustrovanih Novosti" u Zagrebu, ulica Marije Valerije br. 6. — U tuli prodaju se "Ilustrovane Novosti" u podružnici Jos. Krmpotića u Fran Ferdinandovoj ulici br. 3.

Mali oglascnici

Prodaje se kaput za gošpedje za K 80— kod vrataru u ul. Ura de Margina broj 41 od 3-6 posle podne.

Redarstveni odio prima u službu kao kancelarijskog vježbenika ženskog odgođenog mladića, koji poznaje zemaljske jezike. Poljati se na Tegelthoffovom trgu br. 3 II. soba br. 1

Veli vrt na voćkama i lozom uzel je u najam jedna časnička mješa. Ponude na upravu lista.

Kupuje u svakoj kelicini zdravi i česti drop od grožđa. G. Curat, Trst, Via Sette Fontane 1.

U trgovini pokupstava, Fil. Barbaltić, u Slavenskoj ulici, prodaje se novo prispevo pokuštvo.

Oglasujte u "Hrvatskom Listu"

Kreditno i eskomptno društvo

Pula, trg Custoza 45

prima u počinu novac uz najviši mogući kamatnjak, te isplaćuje uloške po dogovoru, bez obzira na ratno doba u svakoj visini.

Uredovni sati: od 9—12 pre i od 3—4 i pol posle podne.

Zahvala.

Za mnogobrojne sučuti iskazane nam prigodom smrti našeg nezaboravnog

Josipa Jurkovića

Izričito ovim putem našu najsrdačniju hvalu. Izričita hvala budi "Dalmatinском Skupu" i gospodinu Cuzzi, koji su položili nadgrobne vence na odar pokojnika. Tako isto budi hvala gosp. dr. Ciotti, koji se živo zauzeo i nije žalio trudu, samo da nam spasi milog pokojnika. Dalje zahvaljujemo svim onim, koji su nam na bilo koji način bili pri ruci, odnosno pokojnika dopratili do zadnjeg počivališta.

Svima još jednom hvala i od Boga plata.

Pula, dne 16. oktobra 1918.

Marija Jurković, supruga za sebe i ostali rođaci.

Stožerni i viši sanitetski potčasnici bolnice i k. ratne mornarice javljaju žalosnu vest, da se je njihov drug

Hinko Sirotek

c.